

AMOREBIETA-ETXANOKO AMETX ERAKUNDE AUTONOMOAK EUSKARA IKASTEAGATIK EMATEN DITUEN DIRU-LAGUNTZEN 2009KO DEIALDIA

Presidenteak abuztuaren 5eko dataz eta 222-09 zenbakiaz eman duen Dekretuaren bidez, euskara ikasteagatiko dirulaguntzen emakidaren 2009ko deialdia onartu du Amorebieta-Etxanoko Ametx erakunde autonomoak.

LEHENGOA: HELBURUA

Barnetegi edo euskaltegi publikoetan zein pribatu homologatueta 2008/2009 ikasturtean euskalduntze eta alfabetatze ikastaroak egin dituzten zornotzarrei dirulaguntzak ematea da deialdi honen xedea.

BIGARRENA: ONURADUNAK

Dirulaguntza hauen onuradun izango dira Amorebieta-Etxanon erroldatuta egon eta 2008/2009 ikasturtean, barnetegi edo euskaltegi publikoetan zein pribatu homologatueta euskara ikastaroak egin dituztenak.

Ez zaie dirulaguntzarik emango Hizkuntza Eskola Ofizialetan ikasi dutenei, IRALE edota HAAEren bidezko ikastaroak egiten dituztenei eta beraien enpresa edo erakundeen aldetik dirulaguntzaren bat hartu izan dutenei.

Halaber, HABEk ematen dituen dirulaguntzak jasotzeko azterketa gainditu dutenek -HABEko 1. eta 2. mailak eta EGA-ere ez dute dirulaguntza jasotzeko eskubiderik.

HIRUGARRENA: ESKABIDEAK AURKEZTEKO LEKUA ETA EPEA, ETA ESKABIDEAREKIN AURKEZTU BEHARREKO DOKUMENTU ETA INFORMAZIOAK

Dirulaguntza hauen deialdia AMETX Amorebieta-Etxanoko Kultura eta Euskara Zerbitzurako Herri Erakundearen presidenteak egingo du, iragarki bidez. Iragarki hori Bizkaiko Aldizkari Ofizialean argitaratu eta Amorebieta-Etxanoko Zelaieta Zentroko Iragarki Oholean eta AMETX Amorebieta-Etxanoko Kultura eta Euskara Zerbitzurako Herri Erakundearen web orrian (www.ametx.net) erakusgai jarriko da.

Eskabideak aurkeztea:

a) Eskabidea, Kultura eta Euskara Zerbitzuetarako AMETX Herri Erakundearen presidenteari zuzenduta, Zelaieta Zentroko sarrera-erregistroan aurkeztuko da, Herri Administrazioen eta Administrazio Prozedura Erkidearen araubide juridikoari buruzko 30/1992 Legearen 38. artikuluan ezarritako bideetako edozein erabilita. Horretarako, 2009ko irailaren 15etik 2008ko urriaren 15era bitarteko epea (biak barne) izango da. Eskabidearekin batera dokumentu hauek aurkeztu beharko dira:

Kasu guztietan:

- Eskatzailearen NANaren fotokopia.
- Eskatzailearen erroldatze-agiria.
- Matrikularen ordainagiria. Barnetegien kasuan, matrikulari dagokion zenbatekoa hartuko da kontuan, eta ez egonaldiarena. Hortaz, kostua banatu beharko da, matrikulari eta ez beste ezeri dagokiona erantsiz.
- Euskaltegiaren egiaztagiria. Bertan ondokoak jaso behar dira:
 - Ikasleak gutxienez % 80ko asistentzia izan duela
 - Matrikulatutako mailen % 65 gainditu izana.

Agiri horiez gain, dirulaguntza handiagoa eskatzen dutenek, honakoak aurkeztu beharko dituzte:

0-15 urteko haurren gurasoek:

- Aurreko agiriez gain, Familia-Liburuaren fotokopia.
- Haurra matrikulatuta dagoen ikastetxearen ziurtagiria.

Haurren eta mendeko pertsonen zaintzaileek:

- Lanean dabilen erakundearen ziurtagiria edo etxeko familiaren aitorten-agiria.

Merkataritza eta ostalaritza sektoreko langileek:

- Establezimenduko legezko ordezkariaren ziurtagiria bertako langile dela ziurtatzen duena.

Aisialdiko begiraleek:

- Lanean dabilen erakundearen ziurtagiria.

Familia unitateko kide batek baino gehiagok euskara ikasten duenean:

- Familiaren erroldatze-egiaztagiria.

Familia unitateko ezarritako diru-sarrerak baino gutxiago dauzkaten ikasleek:

- Familia unitateko kide guztien errenta aitortena.
- PFEGZren aitortpenik egingo ez balitz, izandako diru-sarrerak egiaztatzen dituen agiria (Gizarte Segurantzaren egiaztagiria edo dagokion erakundearena).
- Familiaren erroldatze-egiaztagiria (Udaleko Estatistika Sailean ematen da).

Oinarrizko Errenta edo Gizarte Larrialdietarako laguntza jasotzen dutenek:

- Dirulaguntza hori jaso izanaren egiaztagiria.

b) Eskabideak Oinarri hauetan ezarritako betekizun guztiak betetzen ez baditu, akatsa zuzentzeko eskatuko dio eskumena duen organoak interesdunari. Horretarako, gehienez ere, jakinarazpena jasotzen duen egunaren biharamunean zenbatzen hasi eta egutegiko hamar eguneko epe luzaezina izango du, eta adieraziko zaio hori egin ezean, eskaera bertan behera utzitzat hartuko dela, 30/1992 Legearen 71. artikuluan aurreikusita dagoenarekin bat etorrita, ebazpena eman ondoren.

c) Eskumena duen organoak diru-laguntzen gehieneko zenbateko osoa hainbanatuko du diru-laguntzen onuradunen artean

LAUGARRENA: BALORATZEKO IRIZPIDEAK

Jarraian adierazten diren matrikularen kostuaren ehuneko hauek eskuratuko dituzte irizpideak betez gero:

- a) **Matrikularen % 30eko dirulaguntza:** % 80ko asistentzia eta matrikulatutako mailen % 65 gainditu duten ikasle guztiak eskuratuko dute.
- b) **Matrikularen % 50eko dirulaguntza:**
 - 0-15 urte bitarteko seme-alabak dituzten ikasleek.
 - Haurren eta mendeko pertsonen zaintzaileek.
 - Merkataritza eta ostalaritza sektoreko langileek.
 - Aisialdiko begiraleek.
 - Familia unitateko kide bik edo gehiagok euskara ikasten dutenean.
- c) **Matrikularen % 75eko dirulaguntza:**
 - Familia unitateko diru-sarrera guztiak kontuan hartuta, unitateko kide bakoitzeko 3.600,00 €-tik gorakoak ez badira
- d) **Matrikularen % 100eko dirulaguntza:**

- Oinarrizko Errenta edo Gizarte Larrialdietarako laguntza jasotzen dutenek.

% 80ko asistentzia eta matrikulatutako mailen % 65 gainditu izana kasu guztietan eskatuko da.

BOSGARRENA. BIDERATU ETA EBAZTEA

- Instrukzio-organoa Kultura eta Euskara Zerbitzuetarako Ametx Erakunde Autonomoaren zuzendaritza izango da.
- Ebazpen proposamena egiteko eskumena duen organoa Diru Laguntzak Emateko Batzordea izango da eta kidea hauek izango dira partaide:
 - Burua: Kultura eta Euskara Zerbitzuetarako AMETX Herri Erakundearen presidentea.
 - 2 batzordekide: Saileko teknikaria eta Kontu-hartzailea edo berak eskuordetzen duen pertsona.
 - Idazkaria: Saileko laguntzailea edo administraria.
- Ebazteko eta jakinarazteko gehieneko epea lau hilabetekoa izango da, deialdia argitaratzen den egunean zenbatzen hasita.

Dirulaguntza ematearen gaineko ebazpenaz batera amaituko da administrazio bidea.

Gehieneko epea ebazpena jakinarazi gabe amaitzen bada, emakidaren eskabidea administrazioaren isiltasunaren bitartez gaitzetsi dela ulertu beharko dute interesdunek.

SEIGARRENA: DIRULAGUNTZEN ZENBATEKOA

Dirulaguntza hauek Erakunde Autonomoaren aurrekontuko 4514-4800 partidatik eskuragarri dauden kredituei egotziko zaizkio, eta gehieneko kopurua 8.000 €-koa da.

Amorebieta-Etxanon, 2009ko abuztuaren 7an
AMETX ERAKUNDE AUTONOMOAREN PRESIDENTEA

Sara Chamizo Díez